

有所爲造非性命法逐虛妄緣必當捨弃勿
令親近何以故譬如乘船入大海水逐風搖
蕩隨浪遷移既憂沈沒无安寧者人亦如

是外形有爲營造俗法唯在進取不念劬

125 勞於諸善緣悉皆忘廢是故外形履无爲道

三者无德於諸功德不樂名聞常行大慈廣

度衆類終不辭說將爲所能以何故譬如大

地生養衆物各隨其性皆合所宜凡有利益

非言可盡人亦如是持勝上法行景教因兼

度

130 含生便同安樂於彼妙用竟无所稱是名无

德四者无證於諸實无所覺知妄弃是非

泯齊德失雖日自在邈然虛空何以故譬如

明鏡鑑照一切青黃雜色長短衆形盡能洞

徹莫知所以人亦如是晤眞道性得安樂心

遍

135 見衆緣悉能通達於彼覺了忘盡无遺是

名无證彌施訶又曰若復有人將入軍陣必

資

甲仗防衛其身甲仗既堅不懼冤賊唯此景

教勝上法文能爲含生禦煩惱賊如彼甲仗

防護身形若復有人將渡大海必資船舶

140 方濟風波船舶既□前岸不可到惟此景教

勝

上法文能與含生度生死海至彼道岸安樂

寶香若復有人時逢疫癘病者既衆死者復

多若聞反魂寶香妙氣則死者反活疾苦消

念惟此景教勝上法文能令含生反眞智命

145 凡有罪苦咸皆滅除若有男女依我所言勤

脩上法晝夜思惟離諸染汚清淨眞性湛然

圓明卽知其人終當解脫是知此經所生利

益